

白
華
前
稿

白華前稿卷第四十六

南滙 吳省欽 冲之

古今體詩學舍集六

關逢敦牂

渝州元日示秋塘六峯榆墅

江柳江花拂曙多東班祇領王鳴珂
教停越客通宵語來聽巴人下里歌
諸道烽烟終歇絕清時風雨易調和
逡巡且酌屠蘇淺我是飛騰四十過

朝衣試後試春衣鈴閣深沈點漏稀

卽忍切

爾逍遙甜

黑夢共誰宛轉躡青歸馬頭饒吹聽將近
鴉背觚棱望

甕遠回首吳雲連楚水鶯花如海罨柴扉

佛圖關

累甌下重山山容淡眉嫵江春春早生深樹辨禽語僕
夫先告勞關門抗修阻刺天森石萌萬丈蔽闕櫓前開
闔利藩後按夔巫部將無五丁力盜割蓬萊股內水湫
哀琴外水激壚弩設險茲必爭戰血翳洲莽當時夷獠
羣盜兵瞰城府大刀來一提颯爽動風雨世靖走魑魍
疆巖據龍虎太息紙錢飛殘瘡掩黃土

關下多瘞
戰歿軍士

自白巖至梁灘宿福善寺

楊鞭指東川亂峯塞天大山泥沾曉雨新犢飯殘莖邨

扉闔不扃獻歲或來賀蒼藤間綠蘿冉冉暗香過野花
多可板壤蔬亦可課頗嫌登頓煩局促礙鈴馱碧霄如
有情故遣縉雲墮上方照纖月曲几對孤坐鐘磬賞轉
清酒漿禪欲破卻憶下灘船蒼茫枕烟臥

新市

一名八塘

窈窕初三月崎嶇第八塘亂山沈石鏡古縣界銅梁抱
蕊蜂遊早闌林鳥夢長匆匆滯行李何日試溫湯

合州

碧流漾嘉陵東與宕渠合涪水支絡之涌湍撼城闕揭
來占歲初暖候改衰颯風信迸桃李波文蕩魚蛤轟應

人語中浪花掠鐘磬積岸千百尋連街十二市如蟲屈
步升懷古坐忘睹昇仙蹟近誣瑞應記空諧光燄誰較
長少陵樓納納山程心悸多初不厭紛遯大藥訊靈苗
荷鉏倘余答

望釣魚山

林皋渾春烟妍景在薺麥雲嵐映淺深盈盈水猶隔水
邊垂釣人澹蕩坐磐石水流無盡時人往有遺蹟遷治
匪自今觀物昇從昔邨鼓聽闌如幾行鷺飛白

觀音巖

晡發利澤場投足涉夷行斷橋修竹林牧兒弄蘆管導

行泝層坡北折踐牛墮削成類昆吾連岡勢席卷僊停
步歡顏皴瓢有虛窾老蛟化怪藤伸爪肆搏斲山薑皆
倒披紛護石虬卵捫手擬循牆蓋頭喻覆盆側身望青
冥天罅日華短始知行路難雲霧不可撻蓮花妙莊嚴
西來示跣袒佛性忘喜噴巾胸絡蒼蘚偉哉神鬼工孤
往利用蹇前路杏花繁人家帶深畎

壁山至南充道中作

行是渝州住果州亂山野店接官郵春風吹面人騎馬
抵得斜川五日遊

讀書臺竝釣魚城笑倚桃絲竹杖輕合作仰家聚頭扇

東川新樣勝南京

樹擁荒莊竹覆谿斷無磳磳碾春泥山童細剪元修菜
要點辛盤乞醉題

磳磳斑鳩穀穀鴉午烟青處見人家一匳滿貯連宵雨
鬧煞新年兩部蛙

薺甜筍苦韭離披不種來牟種茜萸聽遍前邨珠絡鼓
雞豚爭賽竹王祠

浮蛆開甕酒旗紅仄岸危紅宛轉通髣髴湖邨寒食路
金蠶石馬紙錢風

二分桃李一分梅人日撩人爛漫開指點壺漿迎道左

隔江遙唱野鷹來

時荊州官軍過境

習靜誰尋抱朴賢
天網宅廢問何年
萬家燈火金泉路
卻說瑤姬謝自然

果州春興示假守沈五澹園

羣山圍野水
圍州鄭重雲
旗賦遠遊挑菜乍
交人穀日傳柑須
話鳳麟洲
觀星夜閉譙侯宅
開漢晨登紀信樓
試向炎劉數興廢
幾春謝豹喚春愁

板楯輸錢世代賒
角聲悲壯控西巴
已殲白虎申秦誓
未表青衣改漢嘉
荒箐鉤輶頻過鳥
壞牆躑躅故催花
雲臺將相原無種
車騎城邊指落霞

爻卦縱橫點石斑猶龍一去杳無還不圖寒女支丹竈
翻使飛仙響玉環縹緲金容懸殿上模糊墨勅落人間
步虛堂冷松杉老鶴馭如烟何處攀

連街燈火鬧連宵局院披吟耐寂寥銅井梅花孤昔夢

畫梁燕子好同招故人氣槩今投筆

時見示和寄王諸
考功軍中四詩

將勲名願得臯畱與郡齋催八咏一時齊痿沈郎腰

果州上元寄家人

餽分綵勝湖鄉夢宴簇銀花禁苑班今日文書堆案少

金泉山對寶臺山

笛步箏堂興未灰蠻天雨水蚤聞雷細腰屋棟蕭常倚

可似吳儂作達來

兒女青紅鬧隔垣松牕枯坐獨忘言如聞小宋風流語
底喫黃齋作去上元

朝真繡佛唱巴歛細數賓人景物殊千里月明同悵望
有人燈市住成都

沈澹園褚拱亭招遊金泉山甘露寺

重山圍數州萬疊湧駭浪莽莽東北川天影覆幃帳
峴絡歸果城俯仰入夷曠譬如羈馵駒失勢乍一放頃出
城西門西谿水搖漾崎嶇隨步石短漿偶來傍喚渡笑
未磨花氣極張王離離草綠坡窅窅相翳壙取道牛跡

間人跡奮相向良久逢導師願作瓜豆餉周折升茅亭
苔磴滑難抗閭檻納餘清惡竹塞四望咄嗟鐘磬聲飄
落上層上高眺目轉迷冥接趾偏壯雖無甘露零卻有
遠風颺方池渟湛然暗泉互輪償優游茶話地所歷皆
危嶂鑿壁施檜巢到眼詫奇創低掠鳥一行高過牧雙
唱散金冶不乾千頃菜花漲錯以葱麥畦繡出淺深樣
舞鳳峯盤盤白蓮波益益窮巖試迴面瞻禮帝釋狀頗
訝兜率宮而化支提藏童駭昇列仙碑版祕珪瑒寶璽
訊已凋精藍憩較暢大夫領郡邑是邦寄保障力當犒
饋衙帖帖息輿謗庶幾爲政閑允矣雅材尚臨去重徘徊

徊斯遊冠巴閬

題澹園渠江蹋燈詞

落燈風比試燈豪簇炬班春夜色高從此蓬山添勝事
柳州新守舊儀曹

走馬蟠龍假面多定看金甲洗天河連宵買斷錢塘景
欲寄梅花奈遠何

京廠繁華夢隔年米家規樣月娟娟巴賓風尚嫩嫻語
難擬清歌沈下賢

譙周祠

觀星臺畔草鋪茵鼠子分明是老臣官府非才追蔣費

朝門何黨結黃 皓 陳祇匆匆玉馬謀偏豫莽莽銅駝恨

又新天道人倫兩茫昧怪他奕代產高人 張文潛梁父吟譙周鼠子

辨興衰溫飛卿詩從此譙周是老臣逸少帖周有孫高尚不出

陳壽墓

魏書魏略魏春秋列鼎分編義獨優勸進有文懸漢室

辨亡無論斥吳侯姦同誤主荀前輩喪近忘親禍末流

今日南充停廟食蕭蕭狐兔竄荒邱 邵公濟謁武侯廟文惟史臣壽姦言

非公惟大夫周誤國非忠廟食故里蓋此南充當以朱竹垞論爲得

發南充至瀘谿宿

春行心易快畏山計程緩朝發充國城筮象協幽坦非

無三里平亦似九曲轉前邨
宵雨餘澆澆響清幽牧人
跨犢來鞭拂柳陰淺桃李花
萬重錦雲麗纖幕雲外或
樓臺雲中祇雞犬自尋金谿
渡更涉瀘谿飯茅茨交步
欄局促過輕憶燈候云已闌
笙歌幸可選歲豐民氣和
理靜俗塵遣謝去思悠然疎
星照孤棧

永豐場

山蔬山果壓糟香有鳥提壺
喚客嘗忽見碧桃穿翠柳
永豐場勝永豐坊

大風度琵琶嶺

蜀險天下稱陰鬱閔晴曝幸
無焚輪飆倒吹眯春日侵

晨越重嶺苦霧漲羣木眼穿烏翅騰心折羊角簇滑逕
埽忽乾千仞澀一蹴陡立斷上升直落冥下囑輕輶闕
積鐵左旋右斯觸助虐誰所爲作怒土囊竄爲紙浩難
牽馬毛懷先縮雖有資育姿迎僵負仍伏我生非海鵬
奮飛阻卷跼寸步心寸懸搖搖象旌纛焉得殺風雨社
公睡偏熟愁聽子規啼雲邊裂山竹

南部

吾宗有道子千里寫嘉陵西水何年廢南山在戶凝賣
鹽黃土坎搗藥白雲層借問君平洞春農笑未磨

靈雲洞觀呂道人榴皮書石刻

削方停雲巖剏剏靈雲洞偶循城北行跡滯興飛動漾
水淘我旁終古絕斷凍白沙護綠疇竹霧暮虛空疎籬
三數家紛抱灌畦壅詰曲扳層坡有脚豈得縱磐陀萬
丈橫斷壁一扇控薛潤石氣乾扣響答如哄列炬輝極
幽仙鼠逝倥傯左右駭撥牢高下詫騎棟舊題何處尋
仙游費折衷座間鐵笛吟袖底青蛇弄瓜皮蘸斗墨遺
句耐迴諷岳陽書榴皮斯舉信伯仲雖非摹勒真足醒
塵機夢出谷春曠如山禽發妍哢

老鴉巖

江底插石山山迴江始見東風吹積烟危檣倚灘纍

歌何處聞羣木媚慈菴倒映千里流練光蔚藍澱泉深
幽竇喧磴古怪藤纏陰陽既離合對面錯冥眩神拔臂
怯扳病馬背難旋老鳴忽飛到聲勢走雷電四控巴西
東萬古幾征戰黑水戍旗翻行程尚如綫

錦屏山

青巖山已摩黃連垓已度一笑江色開亭亭簇涼鷺鷥
去人漸來人行鷺還遇無多春溜間指點錦屏渡高擎
青蓮鬢下啄朱鳥味曠曠孤曜升鬢鬢片雲吐須臾瞬
其麓精鐵詫生鏑渲染兼丹黃劈裂斷竹樹居然金罍
恩百丈擁江路返影伴長虹坐鎮馮夷怒當時渭南老

眺聽入游寓有懷仙聖蹟每悵牧樵付四院待更新重
城望如故閩苑倘相從殷勤鶴書附

閩州懷古示太守蔡新懦前輩

錦屏粉堞對層層洗盡瘡痍戶口增海外神山移閩苑
州前衆水會嘉陵佩刀俗悍思循吏劫火年深辨異僧
從古太平須備武貔貅千帳盡卽恐飛騰

石棧連雲絡漢中紛紛守戰幾英雄蠻迎七姓虛冠帶
路括三巴長芋橦龍女潛藏何物在鼉靈臨眺與誰同
鞦韆雙架春城暖稍怪黃塵卷朔風

百二巖疆十二樓珠簾畫棟歲悠悠圖惡戲蜚風流改

檻納盤龍氣象收不斷仙梯扳杜老無多羌管祀桓侯
大江東去吳天遠浩蕩誰如萬里鷗

占星搗藥綴臺基蠟屐因循負壞碑廟食斷難容鄧艾

城成偏自說張儀定中環珞垂千佛

閩中廣元有千佛巖

亂後旌

幢遭六師

指王屏藩之叛

爲聽海棠谿畔雨好邀太守醉畱詩

張桓侯墓

無命官終閬爲靈史諡桓兒童知俎豆寇盜避鞭彈虎
氣騰騰震龍雲翕翕蟠相依長大葆轉戰祇孤鞍蜀業
希全定吳盟憤遽寒復仇爭卷甲赴敵怒衝冠肘腋中
宵變頭顱異國看咤聲銷項籍盤勢失陳安啼血英魂

慘招衣宅兆完紛紜書括地慷慨記登壇遺佩光茫在

羣譌姓字刊淒涼華表影故非路漫漫

義山詩關張無命欲何如四川

志閩中梓潼俱有侯墓刀劍錄有侯刀錢遵王記侯字益德益今譌翼謂與侯名合則與關公名亦合也

新儒太守餉餅及魚

屑黍環膏擣製精金盤堆送作人情

杜詩樵牧作人情

廚娘孤

負麻姑爪爲報吳均賦未成

嘉陵溜緊魚難得白甲

魚名

驚看出網偏長記江南二三

月銀刀喚買簪蓬船

香傳裂餅山農熟節勵懸魚郡守貧願向社公分點雨

細沾高樓潤枯鱗

時郡中望雨

將發閬州留別新儒太守

黛色山縈碧玉流多君勸我賈胡留小同經義傳黃口
老杜詩情賺白頭東閣屢遷纔出守西湖雖好漫歸休
端明舊里田園少須對香杭憶惠州

曾蹋明光珥筆隨紫薇花底散差池如何話雨巴山夜
未是銷烽雪嶺時荒驛點兵行役久累城保障乞身遲
來朝揮手臨鄆口笑指廉名隔郡知

夜渡大侯壩

日落山鳥喧征夫急投路崇岡蟠蚓蛇十駕九偏誤積
腥吹陰風颯颯戰荒樹左右皆覆翻上下洶湧呼列炬

雖爛如萬象自殫暮重關抗絕頂寥落數家聚人聲雜
犬聲側耳慰惶懼來程一迴眺尺寸入窘步明知前去
難馬力且傾注顧影短裘寒東峯月微吐

金峯寺

嵐翠沾邨邨盡寺門揭雙林冠孤峯扳蘿徑荒絕諸
天色相超趺坐味禪說日晴鐘鼓長風靜旌旛列前桀
試睇望衆嶺勢如玦離離珠斗聯泠泠玉帶折愛茲山
水滋謝彼煩惱熱籠壁是何人浮生緬勞轍

鹽亭

城外有文
湖州祠

馬首鹽亭渡人烟動晚晴半山團小縣幾代廢孤城下

水舷歌穩分場井稅輕鵝谿春絹白懷眺若爲情

發閬中至三臺

閬州城郭勝丹青十日松堂對錦屏
海燕乍來人乍去玉堂無伴思冥冥

東巖兄弟如龍虎山鬼衣裳滿辟蘿
誰識南巖舊池館蓮花蓮葉總無多

白沙翠竹霧濛濛西水分明是小瀘
渡馬前坡還歇馬天元香火梵王宮

桑葉疎疎柏葉齊平田成畛峻成梯
浮嵐縹緲輕篋穩且往金峯覓舊題

犖确千山界路單
林爭露柏梁材最憐
白鷺翻風影
老鶴盤霄不下來

靈山南上紫金山如帶
瀾江路幾灣爲酌湖州饒太守
凌雲閣下醉忘還

楊花柳絮糝春衣
新水溶溶沒釣磯
占斷層坡紅未了
木香紛搭野薔薇

桃花谿接稻花溝
短短茶亭倚驛樓
過浣江沙路輾
今朝馬背見牛頭

遂寧糖霜

昔聞摩揭陀妙演熬糖法
材從竿蔗徵
瀋取木榨壓曝

汴事不煩爲霜製猶乏有谿市成亥厥戶籍著甲橫根
接校耘挺幹應期鋤去膚液尚含候火水相洽浮浮杏
第百潑潑菽乳招承盤詫菜鋪揀金記颯響崢嶸假山
堆璀璨團枝夾砂腳如積蘇鑑面若褪匣雀子鹽失珍
鵝兒酒同狎貴紫誰所稱尚白世乃業士兼明福宜境
越潼綿狹茶病謝紛紛蜜甜喻恰恰早垂坡谷篇竝錄
洪邁王灼劄何日載吳船中冷沁教呬

二月十六日潼川試院念少鈍是日自京歸里
千山萬水素心同蛺蝶南園草色籠念爾今朝扶遠旄
全家幾路上孤蓬麻衣葛帳干戈後碧血青燐俎豆中

莫倚江湖慣飄泊打頭何限孟婆風

茱萸灣口赴京船長記夔蛇對影憐家具無多教互借
官書不少看同編故人慷慨真千古老我蹉跎近廿年
聞道諸郎爭誓墓一碑希附姓名傳

金魚幕燕漸倉皇祭告哀哀幸勿忘薄宦未停接婦緯
比鄰休議富翁牆東南初日瞳瞳轉西北浮雲浩浩翔
昨夜營騰微中酒還朝夢醒卽還鄉

潼川清波魚肥美過他處

鱗點銀華骨綴絲全蒸碎斫總相宜鄴江水靜潼江緩
況是楊花覆雪時

潼川紀遊酬王明府東廬

蕩蕩龍頂門荒荒牛頭寺寺廢跡尚存汗漫引絲轡石
碕春澗枯倒影樹嵐翠如眠或如伏斤斧日尋至剡斲
兼熏燒酷烈甚黥劓斯首縱殯然誰牧復誰飼草樹慳
不萌冢域亂無次簣土垂大名實拜杜陵賜君家近臨
溜牛山迸殘淚爲言濯濯形風景適相類所幸臺構重
簡人假豐髮爾牛真童童前言吾非戲

右牛頭山

三臺本非臺疊浪駭三激蒼然湧西郊縣名由此錫春
風吹袷衫取道挾茨荻向背縱旋迷續斷望偏的雲頭

振剎竿欲上心轉惕八牕拓空空萬井窺歷歷雙江瀉
一杯南下建瓴甌包裹千萬山未必涓涓滴遶座自茶
瓜蔽門但楓櫟夙聞學道人升竈守岑寂鶴語杳不傳
螺痕靚可觀眺古散轡陶歸轡隨牧笛

右三臺山

山骨排峻嶒枵然袒空腹洞門界朱闌湛湛閉寒綠鑑
影涵一匳珠光漾千斛不竭并充盈萬古蔽暉曝文魚
四五頭噓沫浪微蹙了無石竇穿豈異金盆蓄重龜證
三摩華鬘耀春日香燈麗陽阿冰月吐涼渙投錢來衆
生泉底粲可掬庶幾被慈雲法雨灑原陸枯僧解我意

酌水淪苦菊靜聽參廣長何煩喻琴筑

右琴泉

與東廬入琴泉寺邨人爲觀音會觀劇

朱旗繡蓋屏傳呼麥淺桑濃嚴畫圖笑指琴泉山寺湧
痿筇幾節待親扶

雲廊法鼓響闌闌海會華嚴袒拜偏一抹春衫香霧底
歌聲齊簇四條絃

金人火獸眩青紅竹牖瓏玲別殿通勾得浮生閒半日
帽檐吹上紙鳶風

十載修門木石腸旌寧賭唱感茫茫今朝誤入遊春隊

便惹遊人溢看場

白巖壩

午發城北門萬山擁圭撮鼇背無片苔荒磧莽轆轤清
江如綫來要解赤烏渴白沙縈遠邨所向頓空闊曖曖
嵐霧橫蓬蓬水雲活好風湧綠疇弄影上木末迢遙香
積場幾輩託衣蓋巖下藝禾麻巖前種杉栝傍巖田父
居竹光護門闔攬巾感黃塵何時重披豁

寒食抵綿州驛舍記去年是日舍此

旬來山雨稀飛埃漲畦稜夷庚就左綿溝遂失汀滢乍
別緩門鐘復下馬嶺磴柳陰撐釣船呼渡響斯應偕行

三兩人適館坐圍定栗留啼漸闌鼠姑落無騰分明寒
食天風候故庭逕往歲嚮嘗停今朝闌載凭鼎鼎百年
間有酒且持贈一派芙蓉谿春酣試乘興

漫波渡

讓水不可航廉泉不可汲驅馬臨漫波蒼茫感遙集謫
仙望隴西長庚夢投入談笑王侯輕識賞將相及區區
詩酒豪爽足當豎立白頭歸未成萬古照鄉邑匡山雲
覆覆涪江溜濤濤靈風何灑然禾黍動原隰豈論桐墓
存多恐鬼神泣青蓮出汗泥冉冉妙香襲

江油雜詩

龍州南下水粼粼野戍移來小縣貧惆悵棘陽兒過處
荒祠誰祀李夫人

漢壽城邊稅未停秦川間道走馱鈴谿靈不爲神仙尉
也放閑雲入古廳

天倉天柱曠躋扳石麪勻磨一飽慳種樹祇誇黃樹坎
求魚休問白魚山

長庚飛去歲三千書劍淹留愜靜便無數青楓沈鬼火
點燈山路獨飄然

連朝苦霧散迷濛蕪熟蕎生卜歲豐卻怪清明花信早
竹闌落盡亞枝紅

屋後嵐光屋右城鉤簾一笑眼雙明東風入夜全無賴
亂打春灘作雨聲

贈平武教諭巴州王

世沛 蒼水

泮宮先生將家子鵲印龍鈴棄如屣學書豈爲記姓名
游宦無煩去鄉里剛氏學舍低打頭終朝一餐冬一裘
關尹五千雖有待門監七十更何求自言少學一人敵
日高超距夜鳴鏑金梢飛裊雪鋒寒滿樹梨花影團圞
昨年風鶴到成都烏府相要禮數殊恥遣尺書招贊普
願將寸組繫單于君看槍法通兵法進攻毋徂退毋乏
守已先從養氣參乘人轉爲忘機浴落雁軍聲京國來

拂衣歸指講堂開挽強空負顏高譽倚重曾需劇孟才
弓腰帕首舊裝束久戴儒冠辭部曲虎魄當杯爛漫紅
苔紋遶砌森沈綠蠹簡叢殘霜鬢深陰平閣道幾登臨
但尋黼黻卿雲手莫論銜官屈宋心

鄒雪泉明府招同秋塘六峯遊寶圖山

圖山在南徐賺與金焦副古戍稽江油是山姓以寶寶
仙字子明投簪隱巖構試看鼎竈遺尚閱香火壽三春
遲日妍千里走祈祐嘉遊彼詎知遠睇我早覩雙峯何
嶄然離立狀如鬬其下如崇墉言言亘高袤幾疑大劍
關移鎮錯昏晝連朝天老晴蓬勃苦難漱薄陰披衿衣

西平渡懸溜餌炊麥隴香糞壅稻溝臭鳴雞吠蛤間取
徑逐鷗狄自登接待堂風采沐巾袖青桐霧氣涵白薇
露香透遂辭韓童去直向靈官叩螺旋歷幾層陡絕幸
不仆略同粉堞排或學畫檐覆元氣所結成百頑欠一
秀漸聞鐘梵音齋房履青豆當面起危巒打頭探虛岫
花鳥寂無言相看益蒼癯再上凌百盤欄楯冠髻髻兩
條碧玉簪森對若雙堠孰云劈斧斲將謂累丸湊譬以
磊落姿零星嵌教就摩厓伎粹窮鍊石理誰究此間眩
神鬼綠章待親奏載填橋繫繩俾運瓦通雷焉用千百
羣朝真事炷灸守門鹿最馴歸路馬須驟孤僧送自厓

暮靄悵迷霧

觀雲巖寺僧天忠度鐵橋云每傳惟一人能渡
南厓北厓抽玉簪老死不邀遊屐臨竇竇鍊鐵長十尋
似橋非橋索非索分繫兩頭著雙腳別繫一條手斯託
下瞰萬丈行徑微不淵不礪無蛟夔蹉跌失勢身爲泥
戒僧骨瘦解飛渡脈脈跂跂等平路結香火緣求朝暮
彼岸琳宮方畝餘以鐵作瓦仙廼居打鐘伐鼓驚玉虛
其旁小山擬蓬島亦有鐵繩直如絞咄爾依然事焚掃
疾翻駭鳥高挂猿集木騎危兼肘跟代傳無二神祇尊
假神眩人聽頗倦巧者祇因習者便回人繩伎眼親見

鐵橋峯阻羅與浮天台石橋吾未遊出乎雲巖期久留

白華前稿卷第四十七

南漚 吳省欽 沖之

古今體詩學舍集七

檢亭方伯署東新葺竹屋

參旗井絡待平章
盡埽榛蕪起畫廊
匠選楚材資園籥
客投震位驗蒼筤
藥畦蕙圃看鄰近
芝館蒿宮竊比方
從此蜀都添碎事
綠筠堂接紫薇堂

疎排楞眼短遮欄
閒架縱橫促座寬
蓋頂但拳茅滿把
及肩略遣土分墁
心緣空洞傾敬少
節到清森剝蝕難
絕勝百花潭上屋
秋風歲歲報平安

高城無復種芙蓉石柱銷磨玉室封廣廈卽教來燕賀
名材渾未信龍鍾穩垂毳幘寒全禁爽透蘆簾暑不逢
檢點一椽三尺好柯亭何日賞音重

軍儲星火切邊籌閫外膚功破竹收摺柱漫嘲荷作柱
夷猶緩乞桂爲舟心懸白雪三城戍夢遶黃岡十稔樓
鄭重聽松鑪半杪細烹春薺話林邱

同慶閣故迴瀾塔址送秋塘歸里

橋是弓塔是箭彎弓不射承天殿

川明季童謠承天殿在蜀王府射到

春江江盡頭一髮金焦掛帆片坐君縹緲之飛甍勸君
慨慷之離餞君才朗朗照玉山齒少肩差忝同縣生平

未識馬背腫細雨騎驢過雲棧半輪山月我嵬秋拍手
和我謳長謳川東川北路好在此馭南摘星如球防身
孤劍徑歸去當世那有韓荊州把袂增懽別增悵菜花
風感桃花浪知君後夜聽猿聲卻望回瀾在天上

武侯祠

闕宮長配武鄉侯遺像清高竹柏幽玉帳星殘人雪涕
草廬鑑冷士風流弟兄豈分歸吳魏臣子何心比尹周
猶有衣冠熊虎墓張關雲旗一氣錦江頭

重過慰忠祠

木果木之變幕友被難耐祀者長

赤昂成都岳延拭星巖華陽熊應飛揚紹沂鄭
文會稽田舒城許國及大竹縣知縣程蔭

桂之子烈潼川府通判汪時之表姪黃
鳴鏞西充縣知縣常紀之外孫長嗣

授命交呼吸來祠獨涕洟營開官失隊魂冷客招旗落
月孟蘭會英聲汗簡詞浣花翁去遠拓戟古同悲

玉石驚延燼冰厓洶戍烟殘骸虛馬草異相誤爲肩急
難無良賤傳聞稍後先陳濤斜畔水應照筆如椽

戰地鬼呼風銜鬢一歎同受恩誰國士歸訃或家僅配
食高名義迎神絕怨恫機槍看奮掃投拜氣流虹

默野僧

住資陽聖水寺洪
成鼎悔翁有傳

衲衣不澣面不沐長明燈下坐閉目無經可誦禪可參
一飯或盡數升粟三旬九食忘苦飢時秧斬木乘興嬰

衆中出力氣深穩天假神力如熊羆謂僧爾何野記曾
長揖訊行者謂僧爾何默記向悔翁喚茶喫悔翁拋盞
僧傳成姓名到底無人識

送人之軍中

短裘快馬逝翩翩綵管平提露布傳祇爲大營軍令肅
送君無酒更無錢送行無酒亦無錢故句

述德詩爲什加大令仁懷任思正賦

氏任之先日繫風姓歙州三徙黔陬戴競緬投筆蹤隸
乘麾柄銅馬嘶長蒼鷺飛迸百戰身存一區賊靖有士
在累有女在迨各以禮蓄豈非德盛歸與掩關時際草

命

武翼將軍陝西
長茅監參將驍

仲連拒秦巨游抗述遘時孔愍守已斯吉父擅將材子

貫儒術僞朝盜兵卻聘絕筆匪憚爲犧匪伺爭鵠我節

如山人心似日高義嶙峋清流冽凜司戶右丞厥身先

失節士
震達

母也矢志而未逮旌拘限年格晦苦節貞總惟蕭蕭練

裳惇惇門無近親室有弱嬰疇任卹廢而虐侮行之死

誼亮未亡禮明曉促課業宵閤哭聲推袁此事玉光冰

清
袁孺人

彼高才生繫寡婦子壞帔是承直鉤可使審機轉喉擇

地布趾脩脩鶴潔舉舉鵲起豆邊秩如修脯藐爾存濟
物心挾活人理殆彥方徒或伯休比詰嗣逢時諗予述

誄

文林郎
宋公

宋潛溪墓

龜城東去草封阡曾倚前星扣講筵萬乘論師投遠戍
一棺遇主卜終遷金華絕學雄文史石室流風替誦絃
名望各殊身世似此邦文憲亦悽然

謂楊
文憲

苦菜

苦若冬不凋苦菜夏初秀通明讀爾雅草木昧尋究微
名混一途茶茶詎同臭歌風邨國繁紀產益州舊豈徒

三月三頻采競傳購我鄉蔬筍饒是物少飣餽登盤飫
佳品快洗腥羶陋世情尚鮮新俗說太悠謬拘忌在蠶
家觸之蠶不救得毋苦寒性生氣失騰糅縱教放箸空
欲禁滿筐售君看臚臚原如飴洽仁壽

鹽井

作鹹資下潤選地及黃泉井口如拳小機心似髮牽長
筍升降促巨釜委輸便軋軋雙聲和浮浮一氣聯多年
精共塌入夜製方妍野店論硃配官場按戶煎連綱逮
羌俗聚絡應星躔利病同茶法看登土貢篇

題王駕部

祿朋

左手篆書卻寄

籀書遞省篆書揭嶧山宮碑壯秦蹕八分盛行西漢間
今隸卽楷綜其實下蔡下杜體構湮惟有陽冰鐵爲筆
後賢摹仿私印紛近代聲名翦林溢閉門填廓絲髮紆
沒骨名花匪無質兵曹新樣學元和叔重遺篇解傳述
形聲意注歸部分高下縱橫配行侷相當相對蛇蚓蟠
獨往獨來鷹隼疾公然對客揮百番巨拇分明力全出
弩牙所發獲臂紆盡斂薑芽詫且嫉天生此手工斲輪
困苦牽攀見胡甸切神術入陣能期挾虜雄當杯豈憚持
螯曬少年習貫成自然左之宜之破天柱翻疑搦管通
彈絲琵琶譜法試窮詰曹綱右手興奴左左者斯優右

者絀大梁布衣王左手磅礴解衣用專壹以君書訣參
御理舍拔逐禽百不失我攜茲卷西倣裝此外隨身祇
雙膝章草休誇枝指生貝書願伯陀羅佛戰功旦晚高
摩厓篆額崢嶸擁雲日

出郊馬墜作

理轡曹騰續夢殘陌頭一跌鎮無端絕塵雅笑乘船似
得路休言躓堙難搗藥問醫愁小頓簪花試舞記長安
豪情自勸蒲黃醖未要羣公走馬看

京師讌同年必演
墜馬一劇香山詩

自注馬墜
勸蒲黃酒

榕巢觀察寄鹿茸

麕麕異牝牝釋獸冠常畜環角向外間解禦禍機感迎
陰解斑斑堅瑩美如玉春山當養茸血影紅一簇開皺
侯栗圓出金子繭熟呼羣噉昌陽肥綻到筋肉忽如新
筍抽元氣轉不足獵人巧窺伺身手一何毒或斫或引
繩摧倒看盈掬雙歧渾沌分半穎精銳蓄塗酥炙烈醃
配食載藥錄松州隸劍南岡嶺鬱迴複合圍須及時九
氏效臣僕鹿斯不自由倚斃委厓谷爲矜茸客名較勝
角仙族躋堂語咿嚶持壽兆百祿優旃陳諷言寇來驅
令觸朱雲講經義客來折令伏我有黃明膠爛煮凝於
粥獨少紫茄茸刀圭夢相屬盛玉仁術宏動物戒戕殞

用物能濟人解網不煩祝征西大將壘肖象架枝木元
辰拜 賜脯誼分託心腹降虜有東丹好圖絹橫幅

榕巢觀察自西徼歸成都卽送出松州

絲嬌管脆錦江清粟轉芻飛雪嶺橫忽灑征塵歸絕徼
別籌邊計倚長城犬羊散跡分蕃遠牛馬連羣按盜平
轉爲治裝遇天假開襟俟數八年情

芙蓉城闕玉關同喜對全家燭影紅卻把笙歌辭北里
未妨談笑服西戎壺觥此處徵仁壽時六十初度鼙鼓何人

樂戰功想象甘松山下過郅都名姓警蠻童

芭蕉花

蕉卷心獨上心展爲葉夏秋間心或荒結不展展則成巨瓣其芭似蓮蕊而倒

垂一瓣旣落一瓣旋吐所吐瓣之附有朵朵盛
若賓者俗所去甘露也瓣落處其莖輒若齧痕
自初辦至辦盡可閱一年而蕉萎矣使
署蕉十餘株先後作八花以詩賚之

隰草紛甘蕉厥葉大無對單株翹一花蓮蕊倒懸在一
瓣得氣策一瓣成功退辦底橐鄂攢亂鬢塞其內瀼瀼
盛帝漿湛湛滴仙瀼味兼厓蜜收採及房蜂隊沾唇醲
且醇膏面要分醕嵇含狀自工宋祁贊不載越我來益
州改火歲將再當檐廿餘本誰手實培溉綠覆天影圓
青滴雨聲碎推牕見含蕾心結苦拘閤乍開鵠觜呀忽
反仙掌俏楊然浮巨瓢霍如掉夾袋彎環曳長柄孰把
鋸痕淬至末辦漸小到頭根已廢童童烏希革種種人

受形菁華坐表襮酷烈甚芟刈剝復天地心姑取數杯
酌家園栽蒔多無此好雕繡華實饒上腴休咎養前晦
九芝象不侔八桂數相配方榮訖全落飽看甘弦拙修
竹莫輕彈竹花無此態

前詩脫稿循覽間一花驀墮地訊之家童則持
刀芟花際枯葉誤傷其蒂

官閒大有哦松分客少從無譽樹詞八朵蕉花如八寶
一花爭似胞琉璃

風吹霜打滯堅牢五字吟安夜色高怪底折除花福淺
創痕新中鵲鵲刀

世途非怨亦非恩，滿注黃金眼。易殢好醜，聽天君記取。
要刪枝葉，便傷根。

仙茅

范公志虞衡，有茅鬱蒼。孕服食，從旌陽真氣，佐長命旌。
陽何所師？謠母養清淨。白日昇天霄，遺把苗山稜，翦去
春又生。披尋妙指，證遺蹟在豫章。朝真秋最盛，是皆非
蜀產。棘道今轉勝，孤叢抽斷厓。數節感荒磴，不誇三脊
豎。而訝獨根，逆寒刈精采，宏祓濯氣質。定錫名娑羅，參
鍾乳莫能競。請誦曼碩文，六味養中正。
揭奚斯有
仙茅述
鯁生
愍蚤衰，巖絡枯緯經。失喜包匭材，一二荷持贈。安得拔

其茹裁蒔布月令與世躋太和無藥亦無病

題張文敏節抄史記

三真六草派雲間逸少紛充鐵石頑校遍百三十篇史如蟲小字隱爛斑

紅雲祕殿玉皇居無逸披張紙丈餘想象絳紗傳習

處梅花香沁學堂書正大光明殿有文敏奉勅書無逸篇文敏少學於先曾祖司諭

邱家斑管紫毫純纔中尚書骨帶筋笑問元明兩文敏

硬分鼎足是何人文敏證與子昂元宰同其筆惟用邱中黃所造

藏棗

覈物備五宜來來著標格藏產推果珍楷皮番紙裏成

腊小者扶寸餘黏膩不容擘大者指數圍恬澹不容齟
如瓜雖未能入藥真足惜大荒處極西厥汗受符冊覓
種盈萬栽有睨挂林隙暈紫攢鱗鱗皴紅披的的采經
烏拉番語牲畜馱飽同曩宋番語庶子出家者喫其核尤出奇無復
仁可獲瓜離兩已背渾沌一爻畫鬻之若榴椰生澀介
喉噬以彼寒苦地乃集甘溫益旬臚傳唱人練氣祕服
食繫孺病身內景滯胸膈筐傾坐難致竿打路偏隔
想象西南番萬里獻心赤一笑檢農書簾影裏花北

聞蛩

候蛩吟旦晚滿聽夜分明似解助長歎非關鳴不平遠

江楓樹老斷隴豆花清知爾能驚嬾休傷旅客情

晴沙勘定拙詩因憶璞面舊語詮寄少鈍

學韓提得起學杜刻得進流膏被寫壞萬古丐餘潤君
身具仙骨遂與謫仙近非無沈著處神駿在天分年來
酬倡頻髣髴有靳要倫元九格反落宋五韻轉悔京
國游相識遲相趁坐使跋盞姿欲飛竟難奮平生寒餓
句積歲卷扶寸零篇及亂藁大半落牆溷苦之小胥抄
雅接故人論江湖名士多館閣大才僅品詩如品官節
鉞貴雄建轅門旗影翻幕府鼓聲震殺人待請犒牛
焉尼吝諸將前膝行長恐貫耳徇是其氣燄張豈止地

望峻自爲廝養時一意脫金印請看千夫長嚼腹突毛
鬚積資子敏遷無夢到方鎮吾儕幼師古門牆懼先損
稍稍挾藩籬行行整行陳環中固百家孰敢肆凌躐斯
人今已矣斯語婉力振入秋排集成編年紀朔閏舟車
過半生何日敝廬糞佚作希再蒐類字待重覩文辭聲
我心事事喻鉅鈍亦知大布粗破裂耐漙技作貢登闕
廷幔城儲裁遴終輸錦段佳差免繭絲紊側聞姬媼稿
汗青在吳郡作序語尚虛知音盡於頓雞鳴感風雨豈
爲獵聲聞一生換一死枯淚睫畱暈庶同賦八哀浩然
了宏願

璞園以予詩如洋呢椒蘭貴重而非法服予謂恐是高麗布耳今觀對可服官紉子詩是矣

木芙蓉

江鄉紅拒霜離立二三尺臨水照葩華天寒伴楓荻強
名木芙蓉釋木那曾釋蓉城古錦城遶城燦雕飾已湮
蜀孟蹤待訪石丁宅陰森古庭院數株影紛織葉如梧
桐大身作檉柳側疑將芍藥花亂向樹梢拗小大揚葳
蕤高低眩的皪是時秋未中夜露皓以白雅無青女欺
濫受碧翁錫黃心混蘭蓮

木蓮一名木蘭
一名黃心木

素面欠遺蒨

懸殊感物理且向膽瓶摘一呼昌祐來渲染出枝格

張酒虛同年典試還朝

拂衣久臥敬亭雲五夜占星喜見君雪嶺旌旗方奮武

錦城絲管互論文明知後會題襟易苦記前游落帽紛
揚馬才華姑舍此好攜德驥報空羣

六峯從涵虛入都疊韻

公才公望魄青雲相士光黃獨異君斷送數升燕市酒
勾畱一榻錦江文求方有藥流傳祕打卦無錢接應紛
忽向東籬別黃菊今宵愁聽雁呼羣

秦城連斗棧連雲十斛巴船泛共君行券欲書仍待命
使槎可附是衡文疆危要避軍符驟館壞須防竊篋紛
同我遠來先我返杏花紅處慰離羣

榕巢觀察自微外貽五加皮反其詩意答之

蕃土宜五加采采挾荒穢使君憫民病作詩寄心惻一
把朝見遺通體細爬剔所取翻在皮彼皮壯吾力醫流
及道流祕義演前籍作釀香醪醪金玉賤不直是名文
章草譙侯證註釋亦名白刺顛方言蜀人識原野紛提
筐爲利遜稞麥末重農易傷產奇吏斯蝕而我持論殊
亭微山滌滌堅蒼入草木穀實久寒瘠以彼不毛地苗
此資民食大法占小廉豈至患共億江河發源處葉葉
告蕃殖受者登麴方掘者免菜色

附
原作

查
禮

紅橋關產靈草葉五加

五加皮本草謂莖青節白花
赤皮黃根黑應五車之精葉

或三出四五出蜀所在有之
惟紅橋關所產葉多五出
香味好浸爲醪調溼燥

強力益精希世寶青青生巖間采采驅松蠶芟其

繁梗洗剝其苔斑侵星去日夕還登厓陟嶺如援坂

摘以重五重七並重九千金方補五月五日采莖七月七日采葉九月九日采根

治五藏筋脈緩縱莖葉本根行處有擣成霏屑入刀圭瘕者

能起跛者走此藥產蜀稱絕奇購致日多采日危縣

符火急給官價窮巒妻子相嗟嘻嘻吁乎哉安得縱

火烈山澤燒除此藥種稞麥

隔院聞琵琶

瀉似銀瓶截似刀四條絃子勝三條春風分少弦歌化

吹度重扉慰寂寥

百分圓緊一分遲不定興奴定谷兒惱亂江州白司馬
荻花楓葉送行時

番啼漢語鬪於羣小部胡琴客漫誇土貢已停土風在

怕將桿撥教琵琶

通志成都貢琵琶桿撥

支機廟大石傳是張騫所攜

君不見筇竹無萌蒟無醬西使功名虛博望郭門片石
爾何來舊伴黃姑織天上投梭軋軋河鼓鳴當機照耀
裳錦明一卷貽贈重瑤玖博物且問莊君平波簾翠地
眼花眩艮象分明識爻變十牛推輓體倍尊五組包纏

價非賤錦江濯錦江色鮮杼柚安得千星躔九張須向
樂府采三品翻似奇章傳茂陵玉盃人間山不及龜城
廣山骨莫將餘巧鏤長鯨鱗甲搖風莽蕭瑟

站馬

鈴語遠分明軍符火急行騰槽芻宿飽選廐骨孤撈計

舍長途準稽時短漏清聞呼搖腿戰

馬一時能馳五十里者謂之六百里

聞前站鈴聲及呼聲輒股栗石人戰搖腿韓句

逐渡奮蹄爭有卒充牌去

馬圍今日

馬牌如期整轡迎出門雙翅展擁路萬人驚約背黃絲

穩隨身自袷輕烏亭沿處處驚堠替程程得副如同倅
圖全豫設偵分臺非隸驛定律本從兵烙字披毛淺通

詞對臆傾漏師嚴宿戒啓事信遄征封告臣心肅批頒
帝謂宏刺闔勞永夜開道快新晴望待紅旗慰材看皂
櫪呈西南傳檄定多少凱歌聲

中江二詠答臧大令理谷

狸首歌斑然而何白其面面白尾則狐風走疾追電是
名牛尾狸釋獸闕經傳故人笑我陋購致充朝膳法宜
帶糟蒸味勝凝酥薦融結在脂膏肌肉何由辨以彼羣
樹上百果耀璀璨橘柚爲醴漿棗栗作饌饌橘柚爲漿
栗爲饌子
由素無強食惡反使殺機先巧捷輪狙公自肥適貽患
老饕嗜珍品春梓佐諸譙狸之言不來斯言得毋謾

右果狸

蜜酒釀且醇鷺黃有餘德

放翁詩漢州鷺黃德有餘

蜀釀工撥醅豈

出火攻策眉州玻瓈春猛挾天馬力堆花出鄴江一斗
直三百不嫌醋著水不藉麴踏麥瓦鍋架松薪濡縷響
滴滴玉粒蒸自香銀瓶瀉無色交濟寬猛問真氣破滯
腸擔夫擔雨簾觀者初未識簾之赴大營投醪足殺賊
腐儒例寒凍壹醉媿無益夢到下若邨雲臥弄漁笛

右燒春酒

關墓

在惠陵東里許趙清獻古
今集記公墓在草場是也

亭侯追號尊王帝州將威權駕趙張義秉麟經度斧鉞

魂隨鴻冢復冠裳蜀都遶夢天終遠宋室畱題地始光
東北荒堆狐兔盡雲旗愁颯意蒼茫

臘前盆間一蘭欲放

輭障風霜少冬堂喜吐芽似聞空谷裏春半未開花

書院講堂落成

仲翁營講堂名載常璩志所講頗紛綸豈止春秋義是
時黃老崇儒術弁髦棄太守來自舒築舍等居肆溫故
與時習左右象鱗比前有石柱聳旁有石室庀復選十
八生受經遺東詣羣遊博士門鄒魯盛不啻長卿浮薄
徒猶聞七經祕而何傳儒林蜀人無一二遺蹤掛書院

風雨近積廢雅懷高朕修深痛獻賊燧傷材垂一年望
古耿百世豐碑付屏筆遠魏廟堂記往聞孝經成紫微
降天際已有講堂稱說緯太盲昧茲堂殆初祖四大等
苗裔鴻生拾級升數典戒忘墜早求鹿洞規次扶鷺湖
蔽禮殿共低回詞章特餘事

微雪

瓦縫差池白未全幾家犬走吠連連沾泥路逐霜華淺
挂樹枝分露淞鮮紙閣擁鑪喧好伴柴門納履悄當年
一尊細酌天公戲莫向邊營祇向田

石符榻本

廣元縣東百丈關水中有石大如席
上有文如符人謂之石符傳是張道

白華前稿

三

陵所書佩之能
辟邪孕生男

扶桑繭紙凍雲墜似符非符字非字其橫三尺縱一尋
七劍在腰一槩植嚴關百丈崖陡懸崖下江聲響泐渾
沿江上下豁勢又貼臥盤陀淨苔翠夏漲能禁魚鯨黏
曉鐘定使烏朝避中央如鏡天創工言是道陵手摩記
樵蘇絕跡漁釣稀響榻登登強羅致高牙大旆山鬼驚
對仗垂旒瀆靈衛縵文糾結繆篆粗誦者生籍捫者畏
堂楣高揭輝日星爲是宜男許畱佩陰陽水火干刼沈
伯道無兒命所制五斗應從鄰郡傳三丰或自前朝至
青蛇無神呵叱來化入蒼紋露真氣羅浮竹葉猶爾爲

似此瓌奇古無二得毋漢相籌筆餘暗勒仙銘妙垂示
木牛銅釜隨爐烟獨有一卷鎮鳳凰呼童檢點牢記將
勿遣火薰與日曬五雷劈裂黃石飛且把陰符枕函秘

茯苓

丹竈無成兩鬢衰深山枯壑暗凝軀一圓斲餉肥如兔
曾伴龍鱗歲月來

彤絲皓魄孕元功珍重奇材貯藥籠檢校竹刀勻刮取
莫和薑蒜挂屏風

臘後同秋漁晴沙華田謁慰忠祠返憩草堂寺
歷青羊二仙祠作

錦官城南冬日佳百花潭水渟一涯辦香無人草堂閉
右有祠宇扉雙闕問君此祠爲誰作昔嶺師潰撈千骸
文臣死事廿又六招魂禮復驅雲霧顧公倡予沈曹和
拂拭凍涕瞻神牌短垣乍踰竹妨帽輭梯欲下藤鉤鞬
寺僧怪訊忘言說導入方丈循空階冷光靜態落枯坐
破禪花氣來姍娃紅薔纈眼海棠醉間以梅萼非匹儕
幡然舍去暮色下歸途紺屋交樹榦銅羊不鳴石羊化
三清法界音塵乖言從二仙學丹竈龍虎丁倒成倡俳
道流勝蹟出弔詭爲言騰馱光不埋草堂寺名創梁代
工部寄泊悽吟懷丈夫侘傺起悲咤時俗齷齪情難諧

公等視工部何似印囊稍暇遊宜館淋漓痛飲慕犀首
所職已舉誰能排或籌饋糧或磨盾行惹雪虐餐風飄
得閒便著脚底履爲樂待解腰間綢仰看纖月照羣影
麗譙昏鼓藁藁皆

儉堂觀察自郎馱曼陀寺寄題拙刻

奏賦忝通籍作詩從弱齡隨作手隨棄囊錦長漂零昨
行劍南道棧石驪鈴嶁焉感魚鳥各愛鱗與翎吟成
付抄寫要豈謀殺青墨板誇益州唐末垂模型十牋既
傳印了了矧朋丁陸郎亦南苦相勸雕版喧都亭工紙頓
粗劣百蠹無一靈封題寄夷徼佛火宵熒熒灑將曼陀

雨落筆開丹橘君詩數千里哀玉編瓏玲近成北征集
掩耳驚飛霆會當繡蠻布何止藏禪扇我爲和凝符君
爲樓護鯖誰爲主客圖一獻天光冥

除夕

小盡宵長作大除印牀休眠鎖闌虛催租遇節忙支放
載筆趨霜戀起居鬪健慣嘗南熟米

蜀以米之精者爲南熟愛

閑稀附北歸書分明散學邨夫子料理囊錢俸盡卽忍
餘

鐵馬縱橫間木牛一官雖貴似懸瘤檢方恨少陳生問
謂六峯白詩拆字嚙從謝石謀瓦上霜華春易轉街前
不問陳生藥

爆紙夜難休

皇恩再准三年住度歲誰如此度歲

闕市燒香喜氣重無冰無雪過三冬伶僇揪局賓逢戲
漫滅桃符吏絕供文武遷除軍令便農商通惠市心濃
不妨豫想銷兵候痛飲屠蘇酒百鍾

憶弟看雲久廢眠阿羅嬉遶畫堂前眼穿一信頻經月
指數三更又換年內府求書荒蜀板故人失計上吳船
秋塘歸朝正載告青袍士好向清時勉誦絃
試未利